

丹魁堂詩集

丹魁堂詩集卷五

江陰季芝昌仙九

古今體詩一百四十六首

吳江枕上口占

試燈風裏泛歸舟薄宦於今廿五秋
兩度家山皆草草壬寅服闋北上
已酉乞假省墓六旬身世漫悠悠
卜居暫寄琴川釣緩步思爲席帽游
料得煙波舊徒侶連朝盼我布帆收

甲寅立夏日研培移樽金粟山房
伯田有詩次韻歸田已度兩年春
舊雨能來每飲醇孤負湖山憐病客
安排櫻筍屬閒人酒拌醪酎忘千慮
詩謝雕鐫見一真

直似蘭亭娛少長茂林脩竹問前因

後四日重集金粟山房子方貺詩次韻

蔬筍休嫌香積廚時時灌頂賴醍醐酒材恰喜門生致

是日飲方既堂留贈甲辰製酒車轍偏難長者俱陶靜涵山長鳬舄飛

來成聚合詠春適奉差歸蛇弓消盡卽歡娛飲茶食蜜

分甘苦此味還當問仲殊

次韻答研培

延賓方愧腐儒餐妙句如珠滿玉盤五老同游容我伴
一門嘉會助君歡衰顏常恐少年覺薄醉便歌行路難
等是婆娑風月候瓊樓那不念高寒

夜聞研培詩至旋使掣歸頃得惠讀乃戲答之

已訝通神畫一廚俄看酥熟出醍醐豔疑藥院風光對

君家芍藥方盛潤與麥天晨氣俱有友渾忘家是寄幾人能借

酒爲娛吟髭雖盛君須惜莫遣今朝鏡裏殊

研培攜詩見過仍疊前韻和以解之

百斛何須乞酒廚感君和粹勝醍醐

用唐穆員事

韻如元相

車斜劇書似西臺骨肉俱愛和新吟消寂寞喜邀老伴

博怡娛

君去後子方適來

鼓衰轉效他題請未肯甘心讓晏殊

研芬太守用伯田韻見贈依韻奉答

玉堂前輩藹如春三策誰能繼董醇卅四年多相別日

辛巳都門相識
今三十四年矣

十千酒對幾歸人

伯田子方研培研
畚皆久游京師者萍

蹤聚合談何易花萼聯娟樂最眞看取七條絃水長牙
琴結契有緣因

以宿醞分餉伯田子方研培三君研培枉詩爲謝

仍次韻呈三君

詩品中間說買春繡腸端許沃芳醇青州來自二千里
紅友分將三兩人心向子雲亭畔寫趣希元亮宅邊眞
十年乃字休相笑晚合無非夙世因

甲辰迄甲寅恰
十年故戲及之

復以甲辰乙巳酒餽研芬前輩研畚同年東同飲

諸子

青州六從事歲記甲辰五同庚孰雄雌相謔西裴庾是

年鹿門中老龐歌且舞手擎菊花樽醉聽霓裳譜

子方令子

寶生以甲辰舉於鄉余時皖公山良友在幕府

謂伯田

論文陟春冬

銜杯忘客主不知此酒人何日釀瓊乳十年俯仰過及

茲德星聚三楊皆宿交遠近接衡宇徵歡紫藤陰素髮

各銀縷王琨斬醇醪遺笑已千古分貽甕頭春願共一

觴舉但隨詩後先何判大小戶十年數不足輒以九年

補

研畚齒最少以乙巳酒餉之

昔聞大壺蘆種出乃瓠苦如何中洽

泉江水亦同取儻非聖之清或與濁賢伍公徒飲香名

我當罰童叟

附錄和作

夏之成 伯田

曰余無長才梧鼠技窮五尚書詩中豪才富千倉
庾我學巴人歌強和素娥舞何由得清吟未克翻
舊譜情親五十年觴詠潤靈府皖江開賓筵三載
安所主歎厯展勛猷澤下流膏乳海虞今養疴招
延晨夕聚時見素心人喜氣盈眉宇瑣瑣拙言辭
不厭我覲縷交敬久如新歡敦今亦古衰顏酒借
紅日日觥三舉何意仁人心加惠及蓬戶少長洗
尊罍驩虞豈小補風雨勉同心荼薺忘甘苦但愁
人有言傷廉在多取我因鮑叔知或與管氏伍勸

婦烹伏雌十觴酬五穀

龐大堊

子方

卜宅琴川絃計畝不及五有徑荒擬陶有園小過
庾買鄰來故人頓足忽起舞故人家水南槐墅叨
同譜致身承明廬高牙建幕府貴賤隔雲泥往來
忘客主相契漆與膠交融水與乳廿載久離別一
朝復合聚室邇人不遐欣欣庇託宇晨夕時過從
短鬢皆銀縷俯仰身世間渺然判今古素心三五
人良宴杯觴舉枝筇方入門倒屣已出戶前游苦
不足努力此時補食蜜固是甘飲茶亦非苦甘苦

只自知斯言或可取仰望虞山高白雲峯伍伍我
醉已頽然誤謂牂羊殺

裘仲偕三人獻子友有五飲罷酒分遺如金盆以
庾雅貺各拜登歡欣盡鼓舞恍在大羅天同詠霓
裳譜花木平泉莊圖書羣玉府賞玩任嘉賓招邀
感賢主殺覈須臾羅芬馥飫瓊乳昔聞杜祁公吟
醉五老聚何如我六人咫尺聯衡宇新詠續玉臺
舊曲賡金縷雜坐忘少長高譚縱今古驅藏合席
歡花催一觴舉才信入朱門無異游蓬戶行樂須
及時夜游秉燭補一字數莖髭吟情亦太苦信手

偶拈來天成乃足取已分共相保徜徉追游伍炊
屢伏雌烹請毋笑五穀

楊希銓 研芬

憶昔宦嶺南我年旬恰五友生贈良醞過山自大
庾開甕香聞鄰傾樽客屢舞此酒擅重名釀法追
焦譜是時屆秩滿俶裝詣京府貳缶寄清河收貯
賴賢主泊我花甲周肆筵潑瓊乳十載駒隙過賓
朋欣再聚我公愛湖山虞麓寓館宇玉豉下莼羹
霜刀飛鱸縷山房集羣賢談笑論今古三春花事
濃折簡觴頻舉贈我甕頭春量窄啜小戶世事塵

亢攫蚓吟輒後補驚駘筋力疲豈任鹽車苦江風
與山月詩材聽攜取我公筆陣雄旗鼓嚴部伍佳
句萃千腋我和笑五穀

楊希鈺 研培

瑤章久不報忽忽將夏五小麥方在田大麥已登
庾三日雨翻盆江畔魚龍舞驟寒增棉裘新泉試
茶譜忽憶甕頭春分貽來制府昨日坐瓊筵宿醢
出賢主如何再拜賜瀝液傾芳乳人生有嘉會萍
梗歛然聚窮達隔雲泥歸來對閨宇昕夕話花事
纖悉及絲縷始知命世才乃心安太古何地非鹿

門斯人獨鴻舉惟吾二三子雜遘及庭戶當年未
盡歡今日庶幾補無爲長太息局促轅下苦佳釀
待發甕號令須記取詩軍相遇時吾已愧失伍君
視後者鞭應笑跛牂殺

楊希鏞 研畬

昔作金華游紀年在十五

乙未年事

蔣侯餉醇醪云饋

自小庾

茂才方穀

色如琥珀浮光映鴈鴒舞俗稱女兒

酒東越擅釀譜儲久味真消飲之清意府其冬泛
歸航一甌荷地主錢江山水佳攜友酌芳乳彈指
廿年來粉榆幸完聚其喜福星臨卜居得福宇招

邀舊同岑情話訴縷縷開筵列珍羞庭桂蔭蒼古
梨雲破宿封觴政聯翩舉數巡輒頽然先醉怯小
戶行樂貴及時時過安可補贈酒侑以詩學吟敢
言苦自嗟樗散材大匠棄不取久作麋鹿羣忝與
夔龍伍結習耽餽飣徒矜辨踰殺

次韻答子方賦謝之作

解醒須五斗

來詩有病醒方止酒句

此語妙從來日日耽新詠篇

篇譽宿酩老憑清興健醉遣亂愁開况有江都著書名

稱玉杯

適示近文一首

聞年爲棹吾鄉舊俗也今歲偶舉斯事虞地故人

則以爲慶子方井作詩稱賀疊韻奉酬並呈諸
老友

吾身已隱焉用文病木將偃枝猶春劉伶一鍤不解荷
把臂豈是林中人憶從前歲脫簪紱

主恩特許閒老臣量才揣分百無用日月飈忽馳奔輪
要營生曠苦難覓製棺且與司空倫意誠可弔轉相賀
期我老壽如靈椿德公采藥儻及物知公不獨昌其身
不然使我空衣若羽化雲際輕舉成仙真

滕公地下得石槨佳城鬱鬱垂銘文王喬玉棺自天降
沐浴寢處三千春蜉蝣楚楚滿世界造物何獨私兩人

我生蹇薄豈有幸門人他日誰爲臣於斯歌哭亦頌禱
發焉不異美奐輪斑然狸首共摩撫親故愛我逾常倫
百年脩短難自料漆園那齊蘭與椿生則虛室死安宅
萬事雖達患有身不如相見卽酣飲蓮廬夢覺全吾真
送詠春大令重赴皖營

閩嶠荔將熟翩然賦曰歸

辛亥偕余至閩壬子四月以赴銓北還

去年榮

晝錦及我遂初衣籌筆才無忝聽琴知豈希薰風戎帳
裏羽扇莫輕揮

腹中兵甲裕小范足驚人

尊甫近句云醉後分明思小范甲兵十萬不心寒蓋深有

望也看請長纓客能安白髮親劍鉞經百鍊弓力養千鈞

珍重勛名就蘭陔旦晚循

觀所蓄金鯽魚

偶思坐石釣林陰那有池塘廣數尋
白雨乍來吹水上金鱗自好避人深
開窗忽醒瞢騰眼俯鏡如窺活潑心
多謝南屏許分種

魚爲楊書成茂才所贈

坡翁曾動散齋吟

手顫戲作

美人皆簪花我獨鄰女醜平生不工書
大抵坐此手少壯已蹉跎老大猶含垢
庶幾習而安補過善无咎如何苦擾之
復掣單父肘宜纖偏入穠欲左轉向右
搖搖雨竹驟獵獵風蒲久縮手納袖中
作祟問誰某世本無鍾

王人豈盡顏柳胡爲十指閒戰栗懼非偶翻然自解嘲
病魔意良厚舉箸可攫食持杯可呼酒何必老中書摹
畫計能否且汝搦管來疥壁亦時有孰若善刀藏免使
塗鴉扭頭責子羽文自反真疾首聞言起投筆笑謝龍
鬚友

端午酬伯田

推排五十年來事交久情親孰似君艾節幾回同作客
蒲觴相對總論文

戊子北行庚子在浙甲辰乙巳丙午在皖皆與君共

如今好繫

山陰櫂從此長怡嶺上雲老竹孫枝皆待露入林振觸

七賢羣

徐丈鑑峯楊君晉蕃之孫皆從受業

龐公隱居圖爲子方同年作

東漢有大隱辭榮耕富春高風開一代繼此多其倫所
以蔚宗筆創例傳逸民當時峴山側保全匪一身遺安
到孫子斯語可書紳景升薄畝畝勸之庇所親何不顧
豚犬危機延後人至今隱居圖世世猶相因畫工亦無
數邱壑常如新想見鴻鵠志獨與雲霄鄰德操元直外
餘子不足賓我欲拜牀下公靈疑見嗔

芟竹

幽庭僅十弓所喜蕃草木有柏瓔珞垂有松鱗鬣簇玉
樹及春榮叢桂乘秋馥寓公如子猷日日心在竹恨無

五畝園俾作簣管谷猶幸短牆陰三竿兩竿邊方圓既
殊形紫翠不同族受風弱篠偏行雨新鞭速今年幾雛
筍森然驚我日閒尋未數朝梢長已過屋太疏嫌陰稀
太密恐葉蹙舊柯急芟除指揮到僮僕讓出一頭地老
夫念之熟功成者當去斯語可三復久實損精華鳳皇
憐爾禿作杖付神仙青龍將爾祝伯田乞方竹一枝爲杖明知剪
伐多實爲發榮卜經濟是區區肯患食無肉

龐崑圃送杜鵬花

池上一株紅躑躅今春花事見頭番胭脂落盡嫌無色
故遣丹霞覆綠盆

何事花名山石榴一般五月照明眸怕他更惹紅裙妬
只爲枝枝總並頭

鶴林種憶潤州城去歲春歸閬苑行能否今年作重九
猩紅還白燒痕生

偶成

邱壑無多小隱居但知疊石不疏渠五湖許借三分水
爲要收綸卻養魚

花爲簾幕竹爲藩聽說家家有好園誰似東坡腰腳健
愛攜拄杖徧敲門

竹醉日種竹

西窗三伏苦炎曦
蔭暍方於息影宜
消得此君來追暑
清風如扇月如篩

趁將醉日買琅玕
沃土須鬆宿本寬
一夜雨聲扶酒醒
朝來已聽報平安

美人嫋嫋新栽竹
羅漢盤盤舊種松

東窗外羅漢松適與竹對著我

中間參妙諦
禪心綺語各機鋒

數尺中含萬尺柯
心知老可襪材多
爲君手拂鵝溪絹

添寫欄前綠一窠

伯田善畫竹

盆荷

蒔藕回思十載前

江陰宅中事

閒齋重對錦雲妍
愛花自是

幽人癖銷夏惟宜靜客緣偶觸聲聞涼雨過微參香味
曉風偏向湖左右憑游賞誰識深居閉戶仙

昨濱石書成同崑圃及詒兒出城觀荷并游小石
洞研培有詩見示次韻

小樓窺得半城山如病頭陀日閉關見獵已能無喜色
讀詩相與慰衰顏斜川游倩坡公記潁水清憐永叔還
欲爲桑榆就絲竹昔賢此樂恐難攀

遣興

曾無熱客款林扉長日幽棲計豈非教卷蝦簾容燕織
看挑蛛網放蟲飛低風竹當招涼扇斷雨苔成壞色衣

更擬會心濠濮上
親人魚亦解忘機

白題金粟山房圖

進不營金谷園
退不築午橋墅
申屠因樹便爲家
王翰卜鄰還有侶
半生泛泛無定棲
住不三年輒遷所
芙蓉江上舊巢痕
蟲蟻嫌偏處
虞山獨秀吾鄉東
有友相招寄春杵
閣名照曠昔藏書
爽塏不愁雲潤礎
前開松徑引羊求
後畫鵝溝分漢楚
我來正渡梅柳春
乍晴庭柯已心許
庭中五桂相交陰
先後飄香永秋序
顏之金粟縛且華
虛美何嘗不吾與
其閒雜花豈不芳
牛耳主盟須屬汝
我雖杜門愛嘉客
時對聯吟酌清醕
今年

風送故人來難得聞鷗共幽渚山房默數詠花人除卻
素心無別語吳生畫者亦舊游以意通神匪毫楮君不
見康節先生居洛陽養疴不出防寒暑又不見東坡居士
思陽羨垂老依然困羈旅但有行窩樂已多苦祝歸
田遇偏阻我今專學司空圖三事宜休天所予徜徉儻
可終吾生釣水食鮮采山茹獨慙病鶴太耗氈尙費薪
詩說鴻舉

研培前和拙詩有何地
非鹿門斯人獨鴻舉句

伯田將暫回里壘來韻送之

梧風新爽送歸船分付陳蕃榻暫懸弟子方隨藕節益
時聞

七月先生早證木犀禪手攜詩卷酬琴友剗遶觥籌稱

酒僊采葛深情君我共故教特地駐長年

愁心難繫夕陽船夜指遙天列宿懸閉戶但憑詩選客
停杯未慣醉逃禪愛聆曠論全無俗能味新涼卽是僊
來日山家正清興桂花招隱菊延年

崑圃送建蘭一盆頃又送素心花三枝對花有懷
伯田子方研培三君

幽潛空谷足音難寂寞秋情正倚欄花信閒探竇山桂
風香吹送謝庭蘭筠簾欲下微波動茗椀方甘倦夢殘
臭味差池吾豈敢素心人莫隔清歡

寄懷章鷺門刺史

詒燕

卽題其滄粟齋詩後

與君游京華密於共鄉縣一從宦轍歧蹤迹輒遷變縱
非路八千百里亦難見感此心惘然舊事試推行憶君
黔中歸風帆迅飛箭經過牛渚磯尺咫故人面我方迫
簡書隔江走輶傳夜望客星光東去若奔電酉年我南
轅

恩許還鄉便城南一日留舊友嚶鳴徧君獨訪虛舟我
正酣朋讌明朝紆五鼓已別磨盤堰

江陰南門外有磨盤墩

念茲

兩交臂十載光陰餞如今我歸田尙湖寄竿線瞻言釣
游地豈忘雲樹戀無那病維摩步不離梵殿有如折足
鐺祇伴僧退院回首長安居君狂我能狷楊侯

晉厲談

鋒夏侯

伯田

豪酒戰日長頽夕陽宵永積寒霰始知向西

笑此樂足矜銜昨荷君寓書語長情綣繾示我四卷詩
餐秀覺津噉我久廢吟哦頻年嘆焚硯子雲不再作秋
菊倩誰薦賴有黃公俱分我靈藥鍊連朝讀君詩幼婦
猶黃絹因之重懷人前緣寫深眷琴川接澄江月滿潮
一片將心逐水流詩成淨如練

楊守默封公采菊遺照

卜居傍虞山舊友今有幾三楊交最先叔兮矜契始

庚辰

歲與研培訂交

辛年菊花時滿堂羅彼美國手觀賭基詫余得

弈旨果然衆芳隊臭味聯蘅芷

辛巳謁靜巖二丈京邸識研芬侍御出關後二

丈張宴召客決余文必雋遂與研會同榜自茲卅餘載一門習風軌觥觥籌

濟編壽後此心是達者政于官隱者澤于里不見駟馬
問家聲方鵲起康樂述祖德高情屬雲裏從來濟物性
如穀有種子一披采菊圖顏貌幸瞻企我游潁川閒因
羣頻拜紀今且識太邱高山心仰止惠州久投簪績溪
亦脫屣銀藤花館研培齋名開人近室尤邇相從誦清芬玉
樹况階凡謂詠春濱石輩柴桑善一身無述嗟儼俟東籬偶陶
然聊以解憂耳莫謂比古人古人轉羞比

謝伯田惠天台藤杖

夏侯贈我天台藤拂之有節捫有棱空堂晝靜百怪避

蛟螭著壁風雲騰我聞天台一萬八千丈去天不遠呼
欲磨石橋迤邐臨絕澗忘身渡壑愁淩兢造物生此濟
逸客攀援乃得梯峻嶒昔與夏侯過其下一枝采自山
中僧歸來手捧獻阿母指事感物悲填膺我時五十今
愈老兩腳豈復勝行膝蹙痿之機冀忍汗僕病欲起誰
枚乘多君加我五年長足健猶貌層樓層故將無用化
有用使我暗室資明燈瓊瑤慙愧木瓜報瘦竹何幸猶
龍稱君名所贈方竹杖曰猶龍友玉霄峯頭有此種前身定與藤爲
朋天台玉霄峯方竹可爲杖躡山躡垓慎晚節持危扶顛皆爾能杖
兮杖兮族類勿同異尋盟永好如薛滕

同人徧題金粟山房圖賦此奉酬

相如賣賦金百斤陳壽作傳米千斛詩人道高無俗情

獨愛空花賞金粟秋來花下會列仙畫圖先遣鋪長筵

此舅此甥皆健筆

三楊爲陶靜叟甥

大夏老龐紛妙篇才多轉

恨畫圖短十幅全排珠琲滿速藻能令快句工善舞肯

教長袖緩主人得此喜欲狂貧兒暴富充錦囊一年花

事曾幾日吟詩日日餐天香何以報之爲花計寒露宵

濃秋正霽

桂晚者寒露尙開

花神火急禱天公雨粟雨金花有

例

子方贈伯田詩有如水門庭無俗客相逢只幾白

頭翁之句感而和之

客寮只在故鄉東舊雨能來酒一中許我相從諸老後
新鐫小印號仙翁

閉門那識路西東狂喜心情剝啄中等是俗塵飛不到
嬾尋溪叟與山翁

菊秀陶籬本向東此心如水平此門中晚香臭味須長共
我亦韓家學圃翁

賀伯田得曾孫

先生攬揆方張讌四葉階蓂挺瑞符生辰後四日曾孫生相馬經
將傳老驥伯田丙午生吞牛氣已壯於菟歲辰名沿爾雅權寅

與義名曰節近重陽蓋罽娛看取明年雙七十曾孫介

壽繪新圖

九日登朝爽樓眺生雲臺

高閣延山入危梯倚石扶秋心歸淡菊詩意動紅萸幽
徑誰攜酒蕪田已納租縱非逢吉戊風雨近來無

十月十二日夜月甚明獨步庭中竹樹交影因憶
東坡承天寺訪張懷民事偶檢閱之適同月日
遂告之伯山相與破睡爲笑元豐至今七百數
十年吾兩人豈卽當時在竹柏影中者耶并記
以詩

東西有解自爲鄰良夜能聞又兩人定是百東坡內影
古時今月證前身

喜吳冠英至

小樓因樹自名巢嘉客來逢雪月交畫理靜參寒竹影
詩心春逗蠟梅梢庭中黃梅將著花鬚眉愧我頻年老風雅知
君眾藝包酒半猶龍對聊李謂伯田尙餘紫氣照衡茅

伯田和作

山房隨處勝書巢謝客猶延不俗交看到寒花知
晚節養成脩竹放新梢小池波動碧雲活疊石紋
滋蒼鱗包喜有絲麻添韻語強將菅蒯比仙茅

龐寶生以翰學攝祭酒賀子方封公

五旬兩聽離傳聲年少桓榮倍覺榮能擅三長眞學士
兼崇四術大司成郎君黼黻頻承

寵老子湖山舊主盟最憶花黃槐市日冷官何獨鄭先
生

和作

當年槐市聽音聲初試同邀一命榮九轉得丹君
入道三遭勒帛我何成階前栩栩醒蘧夢湖上聞
鷗訂散盟卻喜橫經諸舉子兩家俱是小門生

次韻和伯田

扶老何須藥物功
商量樹碧與花紅
莊周早識魚游樂
公冶思聽鳥語工
肯染髭鬚年少裏
自尋面目古人中
捧心慣被西施笑
知否儂家本在東

籠鳥有感

獨樂山林恐不情
春風未到亦嬰鳴
枝頭難得閒朋友
爲伴幽窗密咏聲

吾舌能言轉累身
未成學語最含真
金籠不欲調鸚鵡
對客常防錯喚人

子方旣和籠鳥之作
復爲池魚二絕句
見示次韻
願辭香餌樂淵沈
藻密猶嫌水未深
莊惠知魚更知我

沫濡溼响總關心

豈必陶朱六畝池尺波亦有泳游時冰寒靜待東風解
浪擲銀梭卻未宜

十一月五日消寒初集和子方韻

不定陰晴釀雪天
輭雲真箇似吳綿
寒宵最喜壺觴共
高唱先圖主客全
老去情親塵外友
醉來名稱酒中仙
今年真率頻同會
洛社須當讓後賢

喜雪放歌

入冬逾月天晴好
初三冬至陽生早
朔風無力變寒威
負暄但著黃綿襖
麥塍待澤農歎乾
蔬畦闕灌圃愁稿

閒人望歲日徬徨兀坐心如霧豬禱昨朝雲氣西南行
過午雨聲溼庭草須臾玉戲亂飛空赤腳不煩占法考
不雨而雪農黃昏擁被語家人知否瓊花垂羽葆更深
占謂之赤腳

猶遣把燈看月暗天低地全皓侵曉披衣便出門急請
畫禪與詩老同到生雲臺上頭眼前銀闕皆蓬島萬家
扃戶儘寒眠豈知我輩能探討下視山房喬樹林不見
濃青見鮮縞柏松節勁自軒昂桂竹枝柔已傾倒猛思
李愬入蔡州雪夜銜枚奪營堡池喧鵝鴨助軍聲天舞
玉龍獲神造鐵衣銀甲十萬師何不撲殺此羣獠圍鑪
浮白更消寒行聽凱歌歡載道轍深泥滑客不來硯未

成冰詩寫抱山僮奉帚且閒停如此祥雲莫輕掃

樓上望虞山殘雪

山寂瓊英綴林空玉葉疏樓臺朝爽處城闕曉寒初東

面嫌遮壁西頭盼報書

月鉏久無信至

辛峯亭恰對徙倚亦吾

廬

十五日消寒二集送濱石編修入都

老來覓新知不若敦舊偶通家佳子弟便可呼小友
龐公一男兒天門縻紫綬竹林有阿咸時來顧迂叟
楊家三珠樹照我樗將朽去年送長君朔風正穿牖
今年送次公冰又尙湖厚行者志四方馳驅策駢牡
居人事一

室埽除珍敝帚賴結老蒼交不肯棄衰醜當軒韻古琴

琴韻軒子

鍾耳合牙手鳳皇我不如

研培舊居鳳皇山下

文采尙

苞九飄飄蓉城仙

伯田自號蓉城散仙

霞想出霜首少年雖不再

相與願長久玉堂在天上神仙所趨走猗嗟巖穴人已

盡才幾斗嬾聽驪唱催勿怪兔株守

詒兒適以借作離病不果行

別筵同醉逡巡酒生綃且染梅凍岸未攀柳試問吳道

元畫此雪鞭否

次韻酬子方

經神詩伯流派分南轅北轍殊輻輪君今合之爲一手

坐覺糟粕皆煙雲卅年注經老蟬蠹出語往往驚常人

不知於我底緣契每見如浣十斛塵邇來作詩富長調
云對山水琴乃神小齋幽澹少妝綴一篇點染輝蓬門
瓶花盆卉盡圖詠令序煖若圍濃春歸田難得聚吟侶
入室自喜無雜賓多君能埽蛙鼓聒爲我獨弄鶯簧新
曠懷欲倣蠟屐阮酣飲豈畏投轄陳權輿五簋守前約
加籩偶數閩山珍時食閩中
酸棗饒棗饒若必享九烈恐驚人
爵非天真要知我輩歲寒友澆胸祇合香醪溫桐花丹
穴幾雛鳳謂寶生
濱石諧聲箏竹逢伶倫阿奴碌碌在目下
會客聊可監廚論每集詒兒
料檢食單答詩一笑趁圓月幸勿相
望如參辰

二十八日子方攜具爲消寒三集伯田詩先成卽

次其韻

詩人勇於詩刻燭不待夕將先平陰鳴肯謂遷延役五
經甫到門三兩座上客酒方鑪銚溫詩已金石擲似此
稱煖寒寒郊應避席而我飫羣言餘味傾漉液但量雪
淺深不問風順逆步道卽履道辦香太原白
香山移病居履道里
今寓廬在
步道巷

次韻和研培醉後放歌之作

香山一首古原草長安米貴將白居我持八韻博斗酒
白謂妙算操贏餘多錢大賈歟然至見之目哈口已呿

歲終飲蜡息老物尋源直到軒農書黃冠草服想古處
要使浮僞還本初陶公旣耕日醺醉此意信與羲皇俱
後來溫國倡真率習俗敝漏能補苴主持風氣賴鄉老
會勤費約襟情攄閒霄來往淡雲淡中流觸撥虛舟虛
十日一爲無事飲有若周禮歡合釀團圓不厭鬢髮雪
古來瑞此頭白烏酒酣慷慨論身世年少各帶兒寬鋤
硯田歲歲計豐儉老農老圃誰則如而今筋力共衰憊
但宜一夢游華胥從容娛宴互相勞養餘奚翅漢二疏
猷幽擊鼓卽賡和真乃識字耕田夫況聽琴瑟羨偕老
雜佩贈報琉璃琚我雖扶掖仗孫子宅相且喜多魏舒

近連得外孫已六丈夫矣禪心早已入戒定徒置金篦與玉梳古稀

計日千八百今我不樂胡爲乎叔出季處有前例問君

何獨情煩紆醉來不覺天地窄言語放蕩膽氣麤君如

春蠶莫纏繭我如病馬猶識塗麤生亦復解人意席罷

還同勸一觚是日酒令將畢適拈得合席同飲舉座歡洽

十二月七日研培移樽伴薇榭爲消寒四集會者

七人各系一絕

五年長我少相親賭酒麀詩老更神蔣徑羊求皆舊雨

與君況是素心人伯田

赤玉胸懷無宿物隱之詩句在清泉沈豐橋青士何耕王應

著李石當時會曩官成均暇輒舉同不及今朝野性便

林筠當時會

堂之會迭爲主客

方子

加俎罰如楚正議探珠推到劉中山老龍自有噓雲氣
報道奪標人乍還研培

王宰五日畫一石平原十日倒千觴畫中詩與詩中畫
引醉同游輞水莊冠英

雛鳳聲名屬土元本來月旦出家門採桑有客如冰鏡
能否相從樹下論崑圖

陟岡瞻望兩兄行予季承歡慰別情指日池塘春草碧
定將新句侑雙觥書成

坐中放論歸常悔醉裏題詩醒自嫌少時取初白此笑
我小時猶了了老狂翻喜韻頻拈

十三日消寒五集時伯田將偕冠英旋里

今年兩春夾一冬有被不煖須鑪烘諺云兩春夾一冬無被煖烘烘大

寒節候已十日舟楫聞說河冰封天公著意念歸客東

風探借波搖溶消寒正當第五集且共歡飲琉璃鍾明

年來口又燕九飛鴻印雪尋前蹤今年正月十九日到塾明歲亦訂是日至

畫圖九九待圓滿冷梅盡變緋杏穠君爲黃公我綺里

舊隱同住商山峯送人動我故鄉思况皆連蒂城芙蓉

舊宅與伯田冠英比近寓公守歲苦寥寂有幾老柏能悅松少年

莫但惜金縷及時先酌屠蘇醴

靜叟以詩補入消寒五集集後奉簡二首

詩軍鬪將倦旗幟忽驚新馬援據鞍上車公樂座人追

歡金粟詠迎煖玉梅春尙惜歸帆速

謂冠英

樽前未寫真

鄉老與僑客西東各杜門一年曾幾見相對欲忘言筆

健耽詩癖杯深刻酒痕白雲自怡悅我亦夙心存

舊齋曰怡

雲仙館

除夕感懷

頻年未佐洛京丞養疾邱園歲又增歎老漫添商陸火
借春先買上元燈湖山大好拌爲客孟鉢無營絕勝僧

分付香槽醉司命夜來容早擁青綾

往時樞禁受

恩偏

溫詔還家許過年

歲杪內出入導以竹爆

朝元

親手賜金錢舊巢痕在誰同輩病木春來只自憐三度

桃符換新采敝貂猶帶

御鑪煙

乙卯元旦

七十篇成舊歲詩元正便欲撚吟髭占豐眼盼三春澤

扶病心兢九擲儀海寓總期安作息家翁已辦學龔癡
閒居忽憶京華客流水車聲最鬧時

正月十九日伯田至二十日山房小集已九九第
五日矣

伊人那可隔蒼葭不獨生徒戀絳紗守寂新功僧入定

尋歡前約客還家園庭地窄猶添樹几案春多不斷花

祇怪龐公深閉戶畫中知否杏蒸霞

子方久未得見

纔靖烽煙大海邊河豚剛上不論錢風流杯酒容吾輩

露布文章屬少年

時詠春在座

耽隱并拋嚴瀨釣同游重感

富春船

庚子按試東浙借伯田研培泛富春江今詠春任黟縣研培就養時將再游釣臺

消寒

會罷耆英啟預訂花朝敞壽筵

花朝集同人爲伯田壽

百花何從有生朝年年處處紅顏韶先生來自眾芳國

前身金粟秋香飄

伯田生八月

東坡夫人愛春月轉生月正

蛾眉嬌

細君生二月上旬

齊年酌斗選良日就中乞借花神調

壽花壽人杯在手鄉心鷺渡澄江湖小時游好十五六

至今白髮皆飄蕭敬亭山前君六十論文絳蠟方高燒

竭來惜別七八載何幸重聚虞山椒古稀稱祝亦恒例

喜君海鶴丰姿超結交瞬越年半百百年此去知非遙

昔聞山妻善觀客謂我秋實刪繁條介麋曷敢效綺語

惟願磊塊常相澆婆娑安土樂豐歲稻粱如爲曾孫饒
君已得曾孫晨星寥落幾同輩那不珍重儕松喬花神解語
笑媽爾不圖今日聯仙鑣山茶照眼爛火齊玉蘭透頂
鋪瓊瑤賞心付與名士酒韻事添得詩人瓢不須遠問
芍藥相待醉紫魏酣黃姚

二月十五日陳甥六舟

彝

至自寶應

短檣能長放深杯且淺斟安危身世慮寒煖道途心圓
月同今夜浮雲孰故岑因之懷弱女夢繞射湖潯

見六舟與詒兒游山之作賦此示之

少無濟勝具老更病腰腳寄身山水鄉曾不一領略新

觀紀游詩痿人得健藥巖破闕兩龍峯騰翥三鶴風高
祖師殿雲擁維摩閣耳目所未經棲心忽崖崿不聞宗
少文五岳畫圖託不見謝幼輿位置宜邱壑我今欲過
之胸中天宇廓扁石當層巒疏林擬叢薄小庭日盤桓
不覺有羈縛乃信方寸閒萬象可包絡假物以爲歡何
如自行樂閉戶卽深山山靈嗤落寞蠟屐且甘拋蘿薜
肯蒙忤德璋北阜移莫爲彥倫作

研培過養餘精舍久坐用拙韻祝詩疊和爲報

並坐心猶愧倚葭幅巾端合勝烏紗春風不隔青楊巷
步履先知玉樹家

玉蘭一株高聳
入巷卽見之

分別苦甘親試茗推

排空色對評花山齋畫漏今朝永底事催歸爲暮霞

攜手看雲石磴邊苔痕無雨少連錢海棠卜姓疑前兆

海棠名季家紅數十年物也芍藥分階憶舊年上年惠分芍本難得香留荀

令座肯教興盡剡溪船共君瀟灑鶯花節日接吟牀拂

畫筵

伯用見和次首感及晉蕃再疊前韻

結友親于草附葭不妨世味薄如紗游鯈得水皆濠濮
倦鳥歸林卽室家種藕早知蓮苦蕙插楊還恐絮浮花
夕陽無限春山好況有詩情煥彩霞

誰共談元舊宅邊枉教聲價重郎錢桐枝方仗裁琴手

請淵甫 蘭臭長懷入室年又見諸孫同硯席尙餘二老泛
觥船莫辭五斗輸焦遂雄辯猶能動四筵

新種海棠藝花者券爲紅英也花時則白罕乃貴
矣戲作

時人競買燕脂畫逸客偏宜冷淡妝銜子飛鴻問何日
西川品格幾猜詳

郭駝只解辨凡林那識踰淮化枳心我愛幽閒加護惜
綠章一樣乞春陰

再和答伯田

草草初章等茁葭卻驚蛟客織龍紗心如我雜難同社

詩比僧忙不出家
新綠乍添人字柳
殘紅猶賸曼陀花
庭中山繡腸欲沃
無他物請引千觴
吸九霞

便腹先生漢代邊
本來經笥勝囊錢
探驪客盡傳新咏
相鶴人都卜大年
眼界空雲飛遠岫
心源活水蕩虛船
鈍根甘脫東坡帶
敢鬪禪機闢法筵

送六舟歸寶應

暫聚剛爲半月留
隔江相望已三秋
王郎坦腹非安臥
衛女歸心當出游
春意未忘紅杏鬧
閒蹤應識綠莎幽
昨宵雨漲桃花水
添泛離情送客舟

西郭舟中聽雨

西嚮松楸望家山最繫思春深寒食過雨積小舟遲敲
枕宵無寐敲篷響又滋青天如許覩薄曉溼雲披

望顧山

文選樓何處蕭梁蹟太遙地分三縣接鄉近一山招馬
帳人猶指韋經業未凋先大父曾館顧山吳氏先大夫隨侍於塾不知紅豆
樹賸否舊根苗

江陰城外小泊

晶飯偏留客相關有幾人江魚鄉味美檣燕語聲親永
叔題阡意龐公渡沔辰昨宵收雨腳天惜病餘身

青陽道中

少小經行地停機熟路尋籬新知竹茂岸矮覺潮深富
教須兼策商農孰共任吾宗多野處望重秀民心

湖田龍舟

歸棹虞山郭晷車正水嬉常聞勝游日都值快晴時春

意今朝戀

明日立夏

天心此地私白雲尖可憶奪錦愧無詩

丙戌下第歸過
毘陵適觀龍舟

病感

養痾三載此淹留蠲忿何能併解憂身計尙無求艾力
山居那共采芝游懷中綵筆憑人索座上飛觥怕客酬
見說陶情仗詩酒近來詩酒亦生愁

伏波鞍上健何如
遺矢將軍術已疏
不分壯心悲慙驥
無端病腹頻
河魚頗聞門下紆
長策深盼江干報捷書
齊趙卽今銷戰壘
移兵指日埽荆墟

海上神山說渺茫
仙人有藥本無方
養生難致黃精餌
禦溼休添薏苡裘
足弱久拌如孟縶
精消何意等田光
閒中欲乞安心法
待覓心來恐轉忙

一漁五相各因緣
鐘鼎煙霞任所便
松嶺漫勞臨別念
桃源肯誤後來仙
嵇康石髓知無分
陶令窗風笑慣眠
獨可自觀心現在
盆池添水養紅蓮

病遣

桑梓東偏寄病軀不求入道傍丹鑪

致道懶有丹井

連章曾請

還陽羨一曲如容乞鑑湖隙地栽花常覓種滿庭收藥
不論租自將邱壑方端委此意元規識得無

舊書名帖味醺醺長日抽尋引興酣壯不如人慙老學
晚猶禮佛勝朝參借鴟客笑騰牋數研麝奴知飲墨耽
除卻兩般無箇事藤牀惹夢茗甌甘

避風何地集爰居弱燕飛飛學舞初冷宦豈馳毛義檄
衰親難絕太真裾羹湯婦職煩親授羅綺吾門戒早除

綸全新娶婦

遺表他年及孫子成都桑外幸無餘

入門握手祝平安垂白容顏願駐丹微疾相關緣老境

丹魁堂詩集

卷五

无

舊游重數抵新歡笑題合字封嘉樹

新種來禽成實人食一枚間展

冰文倚畫欄好對麗眉傳綺皓煙雲描寫到商轡

冠英爲繪

養餘四老圖

崑圃仍貺素心盆蘭用去年韻

藻夏荷花適願難

今年盆荷未花

分無新句寫烏欄清風警俗

惟宜竹素友論心孰似蘭淡格自能超絢繡幽芳偏肯
伴衰殘年年消受渾奇福多謝紉秋爲結歡

伯田見和前作次韻

結伴能如四老難時來竹榭與花欄喜開陶徑將栽菊
悔到閩山未載蘭鄰院送香清供最隔年覓韻夢痕殘

庭階敢道人森秀化雨真令入室歡

金粟山房鴈桂席上病作越日賦此柬同人

花神喜趁秋雨歇急遣山僮報花發山房兩月未開樽
不飲不吟宜有罰齋廚蒸鴨似蒸壺蟹未經霜小於蚶
右軍直欲付湯燂但恐吳人笑唐突荷英菊葉都入餐
名士易欺緣雋骨我獨何爲醉兀兀酒半暎中已含噦
笛韻鄰牆尙感悽謂張約軒別駕菰畦客夢新飄忽籃輿挂壁
不出門聞說餘悲銜石闕研芬太守有菰畦圖靜叟尤悼其逝同思往歲
賞花時幾人引滿觥心凸如今四老相舟旋金粟依然
香醪醇桂林也當竹林游况采芳蘭致閩越謂崑圃老來

行樂不及時益使朱顏嘲白髮
蟬唱當前已替蟬蜚行
此後休離歷西湖妝抹縱相宜
何若西山容挂笏冠英將赴
浙安心養病如養花祇合滋培
無翦伐會須靈藥乞嫦娥
歲歲團圓醉秋月

桂花下獨吟

世外八公少淮南空小山
樹容偕我老花意耐人間
支病新攜杖耽幽早閉關
靜參無隱諦消得妙香環

盆菊

矮榦低枝整復斜分甘冷淡
謝繁華未應秋興愁無酒
詎必人情向此花几格影形
差耐久園林風雨爲興嗟

舊時多少閒蜂蝶不到柴桑處士家

青甕注水助精神小供幽齋氣味親傲骨有誰知壽相
瘦容惟爾爲秋人短檠未棄猶相伴荒徑雖存孰與鄰
傳語看花須辨種充幃蕭艾每妨真

伯川詠兒齋中供菊次和

老圃何知綠野堂閒情合采一籬香鬢霜欲插人誰問
眼霧相看我未妨肯爲餐英爭晚學偶欣滿袖挹秋光
與君同賞蕭寒景任彼燕脂畫李唐

立冬日曉起書事

冷霧溼前庭霜風欲撼櫺書慵便夜睡秋醉及冬醒昨

持螯小飲
不覺薄醉
亂菊餘花
白新篁過
樹青豈惟
親戚話朋
舊
總忘形

六舟送二女歸省小住一月別後各寄短句

上已挂歸帆
杪秋重把袂
念我良已勤
時時問方劑
我病在腰腳
見子起淹滯
幽庭竹樹閒
枝格披陰翳
仰觀雲返岑
頰聽葉鳴砌
三旬爲留連
臨別忍揮涕
明年長安陌
祝子掇高第
虛名安足多
賴以下身計
寄聲小龍駒
聰明須謹細
再來畫虞山
一角肖螺髻

外孫重慶甫
十齡頗慧喜

學畫

四載不能見
一見驚汝瘦
汝見我龍鍾
雙淚溼襟袖
嗟

汝隔長江思歸畏奔溜庚年會北途衝暑爲余壽今日
兵閒來穩渡喜童幼汝居小於舟繡榻書牀湊男錢與
女布辛苦事宵晝欲留酌屠蘇姑食盼汝侑夫壻況有
行聚糧夙蒸餽送汝誠汝憐留汝轉余謬將汝能復來
波平定依舊

雜咏寒庭草木十一首

林木況名節巨擘推喬松貞此歲寒日林柯鬱葱龍平
時倚孤石但偃虬蓋重風來徐入林雅奏吟蒼龍靜不
爲容悅動則音和雍咄哉支離叟吾意其相從

西牆幾叢竹方者秋乃筍力穿高樹罅勢欲層霄引天

寒葉未舒含鐸歲將盡雖云勇無前需時在能忍不見
青雲客徑捷步常窘對之發深省獨坐粲然蹶

窗前有楓樹地狹分半弓新霜染顏色牆頭爛殷紅無
那旬日閒飄落隨西風有人出北門意想丹霞烘停車
惜已晚興盡與我同及時乃足貴繩繫難爲功

垂楊買一株銅錢百六十日澆水一斗燥土沃之溼方
春霖短籬牆肩僅能及秋來影穆穆舞縷高樓入感彼
徇知意青眼不余澀老矣謝神功故衫乾染汁

山茶冬已花先開自東面苟抱向陽心不爲經寒變何
人錫嘉名色比楊妃舊一蒙脂粉汗轉使名花賤千百

綺羅身此獨禁霜霰以貌而取人大都凡目眩

廣庭日數步細草猶蒙茸綠苔不上階牘此碧罽濃茁
根碎石縫薙氏漸以慵我愛周茂叔生意常盈胸縱無
藉草飲賴印幽人蹤招我二三子頻來扶短筇

去年梅與蘭花事前知之今年梅與蘭花信將愆期匪
由地氣異物力殊榮衰海棠百歲榦冬煖花不時再實
傷本根斯理良可推園僮勿鹵莽勤意加培滋

牡丹洛陽產賣花洞庭客前年種三叢今復補其隙道
長千里餘行子風塵隔不信賣花翁移根速於驛認枝
與辨蕾知花非上格花師莫多言花開見丹白

玉蘭本高聳上出層樓端含苞待春吐滿樹葩攢攢東
西入巷來遙見知門闌謝家佳子弟庭階有餘歡何必
耀衆目英華供外觀後生善自藏庶無憂患干

燕山五枝桂以人不以樹冬榮不自堅聲名亦虛附年
年宴金粟日月迅烏兔空林來朔風倏忽歲華暮跌宕
花間人新知不如故撫圖日盤桓秋期重覓句

松旣象羅漢樹亦名菩提參禪柏樹子當前指其迷衆
生果無病維摩與之齊山房多藥草養病宜所栖佛言
安心竟一語眞法梯卽此定生慧觸物皆金鑪

蠟梅金彈丸纍纍綴枝條天竹火齊珠的的當窗寮折

之膽瓶插宜春迎歲朝我對兩寒友門外方驚颼能從
顚顚際各自成孤標且爲酌美酒口笑顏回韶

對酒十首

仲冬寒氣慄檐日搖光晶兩裘亦已重翻覺病體輕人
言老畏寒我獨殊恒情冰雪皓然潔耳目皆清明自謂
酒中趣一齋勝十觥薄醺輒拈句脫口初章成書之爲
發端有觸斯以鳴

八年握文衡丙夜攝衣起兩載忝樞直宵中星慣指遂
緣待旦心未明呼韻水舊夢百已醒結習惟有此矧當
夜漏長臥厭燈頻藥下牀引一樽月落曉光始布被擁

奇溫誰是公孫子

作詩嘔心肝嗜酒損脾肺良友箴我言重若貽瓊珮聽者猶耳全言者忽珠碎壽命萬不齊斯理本茫昧君言猶在耳豈忍瑱規誨小飲或微吟庶用銘深愛

去年會消寒詩冊厚逾寸老將殿吾軍矍鑠翁真健豈料百年觴會未八旬獻靜遠懷繪圖人出山猿鶴怨冠英

彼美東郭居病久甫能飯崑吾儕皆白頭日飲乃所願圖

一曲金縷衣空爲少年勸

諸葛耕南陽有田十五頃生不尺寸增死不恩澤請謹愼蒙主知感激效馳騁衣食無贏財臣範宜共省廿年

耗官倉節縮獲禾秉豐歲甘薄收麤糲已多幸仰慙古
人賢躬未鋤荒梗勤力謝農夫子孫世同井

寒魚潛凍水自樂淵潭深臨水投餅餌驚鱗亂浮沈得
食良足喜吞鉤問何心不如依密藻免使冰棱侵龍門
起春浪一躍輕千尋

鵲巢高樹巔對我書窗東天寒不遠飛懶去迎朔風毯
毳舊毛羽轉比他時豐朝來踏近枝噪喜歡兒童老夫
亦何喜孤負聲音工不如喚提壺勸我酒一中

陽春與白雪曲高和常寡我爲下里吟我友輒心寫伯用
竹筧引新泉頃刻噴流瀉譬闔寶山回曾無空手者今

年入秋來累月疏三雅行當招酒人乘雪築詩社可奈
臘鼓催別袂又將把

老年鎮無聊觀書難細字寒宵一壺酒昏昏坐如睡夢
至羣玉山策府列瑤笥龍威丈人來詔我拜神賜一卷
丹篆文吞之益神智果然誦琅琅祕簡盡能記醒來仍
茫然宜懽聊我戲始信燕公珠所以無闕事

荆扉少剝啄客至先歡迎龐公及楊侯入門知履聲近
來視顏色中含飛動情兒郎好官職先後趨承明割肉
遺細君道遠思合井老父爲區畫鷁首春波行望氣識
公相世榮分所撓公等儻皆去虞龍誰酬賡吾亦從此

逝歸耦季札耕

後對酒十首

義之罷會稽隘量爲懷祖責子愧坦之語頗近遷怒一篇誓墓文止足飾辭苦二尊尚可欺竊笑到童豎丈夫進退間磊落披胸府鴻鵠志雲霄燕雀安足數淮陰亦褊衷鞅鞅羞曾伍

典午幾達士類多隱於酒畢竟竹林游不及宅邊柳步兵戀廚釀猶挂朝籍久彭澤八十日歸來侶田叟一樣傾醇醪野榼味尤厚誰歟慕黃封輕易別紅友

眼中欲其丹勾漏砂無色眼中欲其黑謂漆不如墨所

見拘於墟目眩心先惑善哉九方舉相馬具神識得精
可忘粗驪黃無定式莫漫詡空羣肝眉評冀北

鄭公食羊肉偶憶堂餐美堯夫答一言彥國慙且泚韓
歐在中書論說眇殊旨永叔疑繁辭稚圭不挂齒前輩
相知深出話猶愼爾不惜口舌爭所悲乖國是何意飲
食閒左袒爲劉氏

竊鉄意鄰子認履還鄉人積疑固生暗矯情亦失真人
事日相颺風中無停輪吾心縱如秤銖兩難使均平陽
昔入相日夜但飲醇賓客欲有言醉去無所陳濁醪信
妙理清靜完吾淳

長康一廚畫寄之桓敬道封題尙如前通靈失其寶虎
頭故自癡風致堪絕倒蟬翳葉可珍常覺人情好人情
變幻多知人苦不早欲致豫章書徘徊付殷浩

新息以功顯不朽兼立言爲貴可使賤惜與梁竇論終
緣拜牀下遂起珠犀窺觀物亮爲察省己智猶昏平生
少游語念之如春溫毒霧薰浪泊何如守田園請誦大
人傳一笑蝸處禪

狙公善賦芋朝暮等三四先後一轉移喜怒判然異消
于飲幾何石醉斗亦醉胡爲一齊髡小大若殊器爲德
貴及時用能在因地顏駟老耶署遇主乃交棄黃霸承

大東先生集 卷五
相年不如治民吏

少讀淵明詩有似嚼枯木老來更披吟如渴得湯沃同
味問何人此語出山谷集中飲酒篇追和有玉局如今
又千載希風緬遐躅心知古淡難王韋猶隸僕入門染
蘇黃竹已不如肉獨抱無絃琴欲彈不成曲

龔聞有鴻儒臥疴自沈吟生平飽萬卷恍惚無由尋始
謂義理學可以養此心吾心在何許皓月臨空潄掬之
未入手忍使明珠沈杯中聖賢酒深淺憑酌斟得味卽
爲樂毋惜老病侵

子方移樽因樹巢同飲次伯田韻

看斟一盞醑寒梅如爲新詩擊鉢催座上須令今夕滿
竹閒常許主人陪求珠擲米塵先集觸石移山徑未開
何似通之攜酒具陶然栗里共銜杯

伯田將回里度歲以詩誌別疊韻奉酬

細推儕輩幾齊年白髮清樽卽是仙惠我肯留時雨化
贈君羞出嶺雲篇試啼英物新紉裏拊掌歡聲彩格前
來日春盤祝多壽定應斟雉學彭錢

偶餌昌陽說引年相期長作地行仙舊交人少勤持盞
小別情深預得篇一味屠蘇知老大萬家煙火記從前
江鄉歲除登城慢亭他日鄉關會八百歸來我亦錢
謂看萬家煙火

研培送綠梅兩株喜而賦之

安得仙人萼綠華雙持玉節降雲車自緣高韻羞紅粉
可有清詩稱碧紗遠訊久疏誰寄驛故交同癖各耽花
羅浮翠羽嗽嘈夢未及今宵淡月斜

點綴園林寂寞辰綠珠應是不貲身採香直訪吳宮徑
花自姑蘇載歸撫樹如探鄧尉春預想繁英飛玉蜨喜看老幹
長蒼鱗因君索笑忘衰病日繞檐前步數巡